



Republika e Kosovës
Republika Kosova – Republic of Kosovo
ORGANI SHQYRTUES I PROKURIMIT
TELO ZA RAZMATRANJE NABAVKE
PROCUREMENT REVIEW BODY



Organi Shqyrtues i Prokurimit (OSHP) – Rruga Migjeni (ish Banka e Ljublanës), Kati V-të, Prishtinë, Kosovë
Tel: 383 38 312 309 email: oshp@rks-gov.net

RAPORTI I EKSPERTIT SHQYRTUES

Eksperti Shqyrtues	Data e pranimit të ekspertit	Date e dorëzimit të raportit	Nr. i lëndës
Agnese Ibrahim	15.04.2025	24.04.2025	2025/0262

BAZA LIGJORE E SHQYRTIMIT

Me datën: 11.04.2025, OE “Cactus ” Sh.a.”- Prishtinë, ka parashtruar ankesë me nr: 2025/0262, kundër njoftimit për dhënie të kontratës ku për Lot 1 është rekomanduar për kontratë OE “Data ProgNet Sh.P.K.”- Prishtinë dhe kundër anulimit të aktivitetit të prokurimit për Lot 2, lidhur me aktivitetin e prokurimit: “Mirembajtja dhe avancimi i sistemeve Medlis dhe SMSN” me nr. të prokurimit: "206-25-90-2-1-1", iniciuar nga Autoriteti Kontraktues (AK) – MINISTRIA E SHËNDETËSISË.

Autoriteti kontraktues ka zbatuar procedurë të hapur, lloji i kontratës: shërbim, vlera e parashikuar e kontratës: 216,000 €.

Fazat e procedurës së prokurimit:

Njoftimi për kontratë: 14/01/2025

Hapja e ofertave: 06/02/2025

Vendimi i AK-së: 24/03/2025

Lidhur me këtë lëndë nuk është nxjerr një vendim i mëparshëm i OSHP - së. Konform nenit 113, 114 të Ligjit Nr. 04 / L - 042, i plotësuar dhe ndryshuar me Ligjin 04 / L - 237, Ligjin 05 / L - 068, dhe Ligjin 05 / L - 092, Eksperti Shqyrtues i ka shqyrtuar pretendimet ankimore të OE ankues.

DISPOZITAT E SHKELURA DHE PRETENDIMET ANKIMORE

--

Neni 1 – Qëllimi

Neni 6- Ekonomiciteti dhe Efikasiteti

Neni 7 - Barazia në Trajtim/ Jo- Diskriminimi

Neni 59 - Ekzaminimi, Vlerësimi dhe Krahasimi i Tenderëve

Neni 72 - Dokumentacioni dhe informacioni shtesë

Shkeljet e dispozitave të RRUOPP Neni 38- Sqarimi i Tenderëve

Të nderuar anëtarë të OSHP-së,

Përmes kësaj deklarate, dëshirojmë të ofrojmë një përmbledhje të shkeljeve të bëra nga ana e Autoritetit Kontraktues në rastin konkret. Siç mund ta verifikoni edhe nga provat e bashkangjitura në këtë dosje, më datë 24.03.2025 kemi marrë njoftimin për anulimin nga kjo procedurë e prokurimit, duke shprehur paknaqësinë tonë me këtë njoftim dhe me

eliminimin tonë nga kjo procedurë, më datë 27.03.2025 kemi ushtruar një kërkesë për rishqyrtim pranë Autoritetit Kontraktues, në të cilën kemi paraqitur të gjitha provat dhe dëshmitë që vërtetojnë se Autoriteti Kontraktues ka vepruar në kundërshtim me Ligjin për Prokurimin Publik dhe aktet nënligjore përkatëse.

Më datë 04.04.2025 kemi marrë vendimin nga Autoriteti Kontraktues, ku jemi njoftuar se kërkesa jonë për rishqyrtim është refuzuar në tërësi. Ajo që është më shqetësuese në arsyetimin e këtij vendimi është se Autoriteti Kontraktues nuk ka bërë asnjë përpjekje për të ofruar argumente bindëse për pretendimet që kemi ngritur. Për shembull, në lidhje me pretendimin ankimor se stafi duhet të jetë i veçantë për secilin lot, Autoriteti nuk ka ofruar asnjë arsyetim për këtë, ndonëse, siç e kemi cekur edhe në kërkesën për rishqyrtim, në dosjen e tenderit dhe në njoftimin për kontratë nuk është specifikuar në asnjë pikë që stafi nuk mund të jetë i njëjtë për të dyja llojet. Edhe po të ishte kështu, kjo do të ishte një kërkesë e paprecedentë dhe në kundërshtim me normat juridike.

Në përgjigjen tjetër ndaj pretendimit të operatorit ekonomik lidhur me analisten e projektit, duke mos e arsyetuar fare, ndër të tjera thuhet se **është mendim unanim nga DSISH se diploma e analistes së projektit, znj. Valentina Haziri, nuk plotëson kriteret e parapara në dosjen e tenderit.** Ky vlerësim është tepër subjektiv. Përkundrazi ne si operator ekonomik kemi ofruar fakte dhe prova që vërtetojnë se znj. Haziri plotëson të gjitha kriteret e kërkuara në dosjen e tenderit dhe në njoftimin për kontratë.

Në vijim, ne do të paraqesim kundërshtimet tona të detajuara, të cilat janë të bazuara në Ligjin e Prokurimit dhe aktet nënligjore përkatëse. Po ashtu, do të ofrojmë fakte dhe argumente që vërtetojnë se vendimi i Autoritetit Kontraktues është në kundërshtim të drejtpërdrejtë me legjislacionin në fuqi dhe është i paarsyeshëm ndaj kompanisë sonë.

Pika e parë e eliminimit dhe pretendimi ankimor

Kapaciteti teknik dhe profesional;

Nuk i keni plotësuar të gjitha kriteret siç janë kërkuar në NJK dhe DT. Oferta juaj është e papërgjegjshme për të dyja Lotet, pasi që Tek Kapaciteti teknik dhe profesional: Kërkesa Për Lot-in 1 (një) Analist i projektit Inxhinier i diplomuar i Kompjuterikes me telekomunikacion ose Master i shkencave ose inxhinierisë kompjuterike, me përvojë pune minimum 5 vjeçare pas diplomimit në cilësinë e analistit të sistemeve softuerike (të zhvilluara në platformën Microsoft (.NET me SQL Server). Ju keni ofruar për Analiste të projektit znj. Valentina Haziri e cila ka ofruar një diplomë bachelor të teknologjisë informative si dhe një diplomë master në menaxhimin e projekteve, diplomë e cila nuk e plotëson kriterin e kërkuar në DT.

Sqarim në lidhje me plotësimin e kësaj pike nga ana e OE:

Na lejoni të sqarojmë se kemi plotësuar në tërësi kriteret që Autoriteti Kontraktues (AK) ka konsideruar si të pa plotësues. Konkretisht, kemi ofruar analisten e projektit, znj. Valentina Haziri, e cila përmbush plotësisht kërkesat e përcaktuara në dosjen e tenderit dhe njoftimin për kontratë.

Ashtu siç kërkohet në dosjen e tenderit dhe njoftimin për kontratë, për Lot-in 1, pika b.1 (një), "Analist i projektit - Inxhinier i diplomuar i Kompjuterikës dhe Telekomunikacionit ose Master i Shkencave ose Inxhinierisë Kompjuterike, me përvojë pune minimum 5 vjeçare pas diplomimit në cilësinë e analistit të sistemeve softuerike (të zhvilluara në platformën

Microsoft .NET me SQL Server)," ne kemi ofruar një kandidaturë që plotëson të gjitha kërkesat për këtë pozitë.

Znj. Haziri është e diplomuar në fushën e kërkuar dhe po ashtu ka një diplomë Master, e cila është e përshtatshme për pozitat e kërkuara në këtë projekt. Kemi ofruar dëshmi të plota, duke përfshirë diplomën e saj Bachelor dhe Master, si dhe certifikime të shumta (cilat janë) në fushën e Analizës dhe Menaxhimit të Projekteve si dhe eksperiencë shumë vjeçare (më shumë se sa që është kërkuar (5 vite)), jo vetëm ekspertizë lokale, por edhe në sferën ndërkombëtare (Projekte nga US, Zvicër, etj) të cilat plotësojnë kriteret e kërkuara në dosjen e tenderit dhe njoftimin për kontratë.

Nëse shqyrtojmë kërkesën e dosjes së tenderit, ajo specifikon mundësinë për të ofruar një Master në shkencat ose inxhinierinë kompjuterike. Kandidati ynë është një Master në Shkenca, me titull të studimeve të thelluara në fushën e Teknologjisë së Informacionit, që përputhet në mënyrë të drejtpërdrejtë me kërkesat e pozicionit.

Dallimet që mund të kenë titujt akademikë mes institucioneve janë të natyrshme, por përmbajtja dhe fusha e studimeve është pothuajse e njëjtë, me disa dallime të papërfillshme që nuk ndikojnë në përmbushjen e kërkesave të tenderit.

- Të dy titujt përfaqësojnë fusha të inxhinierisë teknologjike,
- Të dy titujt përfshijnë elemente të teknologjisë së informacionit dhe përdorimin e saj për zhvillimin dhe menaxhimin e sistemeve dhe infrastrukturave,
- Të dy titujt përfshijnë zhvillimin dhe menaxhimin e sistemeve teknologjike dhe rrjetave që përfshijnë informacionin dhe telekomunikacionin,
- Të dy titujt lidhen me studimin dhe aplikimin e sistemeve teknologjike, qoftë në nivelin e infrastrukturës, softuerëve ose sistemeve të komunikimit.

Në këtë rast, ne konsiderojmë se autoriteti kontraktues ka pasur mundësinë të kërkojë informacione shtesë ose plotësuese për të sqaruar çdo pasiguri në lidhje me përputhshmërinë e titujve akademikë, në mënyrë që të shmanget interpretimi i gabuar i dokumentacionit.

Duke pasur parasysh parimet themelore të Ligjit të Prokurimit Publik, të cilat përfshijnë **QËLLIMIN** e realizimit të kontratës në mënyrë efektive dhe të drejtë, ne besojmë se ndonjë **devijim i vogël** në këtë rast nuk do të ndikonte në realizimin e qëllimit të kontratës, *mënyrën më efikase, më transparente dhe më të drejtë të shfrytëzimit të fondeve publike* për autoritetin kontraktues. Kjo do të mundësonte një përfundim të suksesshëm të procesit të tenderimit pa ndikim në cilësinë e realizimit të kontratës.

Po ashtu, gjatë vlerësimit nga ana e AK, nuk është përfillur fare Neni 59, Ekzaminimi, Vlerësimi dhe Krahësimi i Tenderëve, konkretisht pika 2 dhe pika 4, ku thuhet se:

2. Autoriteti kontraktues mundet që me shkrim të kërkojë nga një tenderues që të sigurojë një sqarim me shkrim mbi cilindo nga aspektet e tenderit të tij, në mënyrë që të bëhet ekzaminimi, vlerësimi ose krahasimi i tenderëve. Asnjë ndryshim material dhe asnjë aspekt i tenderit nuk duhet të kërkojen ose pranohen nga autoriteti kontraktues ose të ofrohen nga një tenderues.

4. Autoriteti kontraktues do të konsiderojë një tender si të përgjegjshëm vetëm nëse tenderi në fjalë është në përputhshmëri me të gjitha kërkesat e parashtruara në njoftimin e kontratës dhe në dosjen e tenderit. Pavarësisht nga e mëparshmeja, autoriteti kontraktues mund të konsiderojë një tender si të përgjegjshëm nëse: (i) përmban vetëm gabime ose paqartësi të cilat mund të korrigjohen pa ndryshuar kushtin material apo aspektin e tenderit në fjalë, ose

(ii) përmban vetëm devijime të vogla që nuk mund të shkaktojnë ndryshime materiale ose devijime nga karakteristikat, kushtet, dhe kërkesat e tjera të parashtruara në njoftimin e kontratës dhe në dosjen e tenderit; me kusht që, çfarëdo devijimi i tillë të kuantifikohet, aq sa është e mundshme, dhe të merret parasysh gjatë vlerësimit dhe krahasimit të tenderëve.

Pika e dytë e eliminimit dhe pretendimi ankimor

Arsyetimi i eliminimit në këtë pikë nga AK: Ju keni ofruar te njëjtin staf për te dy llotet edhe pse në DT kanë qenë te ndara kriteret e kërkuara për stafin e angazhuar në këtë projekt, dhe si te tillë nuk e plotëson kriterin e kërkuar në FDT.

Sqarimi nga OE: Në rastin konkret, na lejoni të sqarojmë se kjo paraqet një vlerësim të padrejtë dhe në kundërshtim me kriteret e vendosura në dosjen e tenderit dhe njoftimin për kontratë. Ne si operator ekonomik kemi ofruar stafin ashtu siç është kërkuar për të dyja llotet, duke respektuar kërkesat e dokumentacionit të tenderit. Sidoqoftë, askund në dosjen e tenderit nuk është specifikuar në mënyrë të drejtpërdrejtë dhe taksative se nuk mund të ofrohet stafi i njëjtë për të dyja llotet. Përkundrazi, në dosjen e tenderit nuk ka ndonjë kërkesë të qartë që e ndalon angazhimin e të njëjtit staf për më shumë se një llot, dhe as një përcaktim të ndarë të kriterëve për stafin që angazhohet në secilin llot.

Ky vlerësim dhe arsyetim i bërë nga ana e Autoritetit Kontraktues është në kundërshtim të drejtpërdrejtë me Ligjin për Prokurimin Publik (LPP), veçanërisht me nenin 59, i cili përcakton qartë procedurën për "Ekzaminimin, Vlerësimin dhe Krahasimin e Tenderëve". Ky nen kërkon që procedurat të jenë të qarta, të parashikueshme dhe të drejtpërdrejta në çdo fazë të prokurimit. Eliminimi i operatorit ekonomik në këtë pikë është i papranueshëm dhe i paarsyeshëm, sepse ai nuk është mbështetur në ndonjë bazë të ligjshme, dhe është rezultat i një interpretimi të paqëndrueshëm të kërkesave të dokumenteve të tenderit.

Për më tepër, Autoriteti Kontraktues nuk ka përfillur në mënyrë të plotë dhe të saktë kriteret dhe kërkesat që vetë ka përcaktuar në dokumentet e tenderit dhe njoftimin për kontratë. Ky veprim është një shkelje e rëndë e parimeve të LPP-së dhe ka krijuar një vlerësim të paqartë, të paarsyeshëm dhe tendencioz ndaj ofertës sonë. Në këtë mënyrë, vendimi i autoritetit kontraktues është i pabazuar dhe nuk reflekton një vlerësim të drejtë dhe transparent të ofertës sonë.

Dispozitat e shkelura nga ana e autoritetit kontraktues

Neni 1 - Qëllimi

1. Qëllimi i këtij ligji është të siguroj mënyrën më efikase, më transparente dhe më të drejtë të shfrytëzimit të fondeve publike, burimeve publike si dhe të gjitha fondeve dhe burimeve të tjera të autoriteteve kontraktuese në Kosovë duke përcaktuar kushtet dhe rregullat që do të zbatohen, procedurat që do të ndiqen, të drejtat që do të respektohen dhe detyrimet që do të përmbushen nga personat, operatorët ekonomik, ndërmarrjet, autoritetet kontraktuese, koncesionerët e punëve dhe organet publike që zhvillojnë, përfshihen, marrin pjesë ose interesohen, në aktivitetet e prokurimit ose që përfshihen ose kanë të bëjnë me fondet dhe/ose burimet e tilla.

2. Ky ligj gjithashtu ka për qëllim të siguroj integritetin dhe përgjegjësinë e zyrtarëve publik, nëpunësve civil dhe personave të tjerë që kryejnë ose janë të përfshirë në një aktivitet të prokurimit duke kërkuar që, vendimet e individëve të tillë dhe baza ligjore e faktike për vendimet e tilla, të mos ndikohen nga interesat personale, të karakterizohet me jo-

diskriminim dhe me një shkallë të lart të transparencës dhe, të jenë në përputhje me kërkesat procedurale dhe qenësore të këtij ligji.

3. Ky ligj ka për qëllim të nxisë krijimin e një kulture institucionale të profesionalizuar të pandikuar nga interesat materiale, të paanshme, etike, në mesin e personave zyrtarë që kryejnë ose janë të përfshirë në një aktivitet të prokurimit, duke kërkuar nga personat e tillë që të sjellin duke ndjekur parimin e shfrytëzimit sa më efikas, me kosto ekonomike, transparent dhe të drejtë të fondeve dhe burimeve publike ndërkaq duke iu përmbajtur rreptësisht procedurave dhe kushteve qenësore të këtij ligji.

Neni 6 - Ekonomiciteti dhe Efikasiteti

Ne rastin konkret operatori ekonomik beson fuqishëm qe nga ana e autoritetit kontraktues nuk është përfillur ky nen konkretisht pika 1 i cili thotë se:

1. Të gjitha autoritetet kontraktuese, janë të obliguara që të sigurojnë që fondet publike dhe burimet publike të përdoren në mënyrën më ekonomike, njëkohësisht duke marrë në konsideratë qëllimin dhe lëndën e prokurimit.

Neni 7 - Barazia në Trajtim/ Jo-Diskriminimi

Ne rastin konkret operatori ekonomik beson fuqishëm qe nga ana e autoritetit kontraktues nuk është përfillur ky nen konkretisht pika 1,2,4 i cili thotë se:

1. Autoriteti kontraktues do të trajtoj operatorët ekonomik në mënyrë të barabartë dhe jo-diskriminuese dhe do të veprojë në mënyrë transparente.

2. Autoriteti kontraktues nuk do të ekzekutojë asnjë aspekt të aktivitetit të prokurimit në një mënyrë që redukton apo eliminon konkurrencën në mes të operatorëve ekonomik ose që diskriminon në dëm ose në të mirë të një ose më shume operatoreve ekonomik.

4. Autoriteti kontraktues nuk do të krijojë ose imponojë dhe do të marrë të gjitha masat e nevojshme për të parandaluar krijimin ose imponimin e rrethanave ose kushteve që rezultojnë në diskriminim territorial, fizik, material, personal ose organizativ ndërmjet operatorëve ekonomik.

Neni 59 - Ekzaminimi, Vlerësimi dhe Krahësimi i Tenderëve, pika 2 dhe 4 e këtij neni

Ne rastin konkret operatori ekonomik beson fuqishëm, qe nga ana e autoritetit kontraktues nuk është përfillur ky nen, konkretisht pika 2 dhe 4 i cili thotë se:

2. Autoriteti kontraktues mundet që me shkrim të kërkojë nga një tenderues që të sigurojë një sqarim me shkrim mbi cilindo nga aspektet e tenderit të tij, në mënyrë që të bëhet ekzaminimi, vlerësimi ose krahasimi i tenderëve. Asnjë ndryshim material dhe asnjë aspekt i tenderit nuk duhet të kërkohej ose pranohet nga autoriteti kontraktues ose të ofrohet nga një tenderues.

4. Autoriteti kontraktues do të konsiderojë një tender si të përgjegjshëm vetëm nëse tenderi në fjalë është në përputhshmëri me të gjitha kërkesat e parashtruara në njoftimin e kontratës dhe në dosjen e tenderit. Pavarësisht nga e mëparshmeja, autoriteti kontraktues mund të konsiderojë një tender si të përgjegjshëm nëse: (i) përmban vetëm gabime ose paqartësi të cilat mund të korrigjohen pa ndryshuar kushtin material apo aspektin e tenderit në fjalë,

ose (ii) përmban vetëm devijime të vogla që nuk mund të shkaktojnë ndryshime materiale ose devijime nga karakteristikat, kushtet, dhe kërkesat e tjera të parashtruara në njoftimin e kontratës dhe në dosjen e tenderit; me kusht që, çfarëdo devijimi i tillë të kuantifikohet, aq sa është e mundshme, dhe të merret parasysh gjatë vlerësimit dhe krahasimit të tenderëve.

Neni 72 - Dokumentacioni dhe informacioni shtesë

Autoriteti kontraktues mund të ftojë operatorët ekonomik për të plotësuar apo të qartësojë certifikatat dhe dokumentet e paraqitura në pajtim me nenet 65-71 të këtij ligji.

Duke u bazuar në dëshmitë dhe sqarimet e ofruara më lartë, kërkojmë nga OSHP që të merr:

VENDIM

APROVOHET, si e bazuar ankesa e OE: **CACTTUS SH.A.**

ANULOHET njoftimi dhe vendimi i AK-së dhe lënda të kthehet në **RIVLERËSIM DETYROHET** autoriteti kontraktues që gjatë rivlerësimit, ekzaminimi, vlerësimi dhe krahasimi I ofertave të bëhet në harmoni me kërkesat e dosjes së tenderit, njoftimit për kontratë dhe konform dispozitave të LPP-së.

KRITERET PËR VLERËSIM

<p>Kapaciteti teknik dhe profesional:</p> <p>Kërkesa Për Lot-in 1 Operatori Ekonomik duhet të dëshmoj se ka realizuar se paku nje projekt në zhvillimin dhe implementimin ose mirëmbajtje të softuerit e të paktën 1 (një) projekti ne tri vitet e fundit në fushën e shëndetësisë për institucione shëndetësore duke filluar nga data e publikimit te këtij Njoftimit për kontrate.</p>	<p><i>Dëshmia e kërkuar dokumentare</i></p> <p>Për Lot-in 1 Dëshmia Një listë të kontratave të realizuara, ku duhet saktësuar titullin e kontratës, shumën e kontratës, datën e fillimit dhe datën e përfundimit, si dhe listës t'i bashkëngjiten referencat ose certifikatat për shërbimet e kryera (të përfunduara). a. Kur shërbimi është bërë për një autoritet publik në Kosovë ose në një vend tjetër, për dëshmi duhet te dorëzohet referenca të lëshuara nga autoriteti i tillë; b. Kur shërbimi është bërë për një blerës privat, kopja e çdo dokumenti të nënshkruar nga blerësi dhe evidentimi i realizimit të tillë.</p>
<p>Kërkesa Për Lot-in 1 Operatori ekonomik duhet te ketë staf për kryerjen e shërbimeve si ne vijim a.l (një) Menaxher te projektit - Inxhinier i diplomuar i Kompjuterikes ose telekomunikacion ose Master i shkencave ose inxhinierisë kompjuterike, me përvojë pune minimum 5 vjeçare pas diplomimit në menaxhimin e projekteve të natyrës së ngjashme (të zhvilluara në platformën Microsoft (.NET me SQL Server), i certifikuar me certifikate valide në PMP ose ekuivalente.</p>	<p>Për Lot-in 1 Dëshmia Kopje e diplomës, CV e nënshkruar nga inxhinieri, Deklaratë për caktimin e Menaxherit të projektit, Kontrata e punës me punëdhënësin ose marrëveshja mbi angazhimin për këtë projekt, Kopjen e certifikatës për menaxhim dhe vegzën përkatëse për verifikim online.</p>
<p>Kërkesa Për Lot-in 1 b.l (një) Analist i projektit - Inxhinier i diplomuar i Kompjuterikes me telekomunikacion ose Master i shkencave ose inxhinierisë kompjuterike , me përvojë pune minimum 5 vjeçare pas diplomimit në cilësinë e analistit të sistemeve softuerike (të zhvilluara në platformën Microsoft (.NET me SQL Server)</p>	<p>Për Lot-in 1 Kopje e diplomës, CV e nënshkruar nga inxhinieri, Deklaratë për caktimin e Analistit të projektit, Kontrata e punës me punëdhënësin ose marrëveshja mbi angazhimin për këtë projekt</p>
<p>Kërkesa Për Lot-in 1.c Tre (3) Zhvillues të Softuerit (Programer) – Baçelor i Inxhinierisë kompjuterike ose Baçelor i shkenca kompjuterike, me përvojë pune minimum 3 vjeçare pas diplomimit, në zhvillimin e softuerit (programim) të projekteve të natyrës së ngjashme të zhvilluara në platformën Microsoft (.NET me</p>	<p>PërLot-in 1. Dëshmia Kopje e diplomës, CV e nënshkruar nga inxhinieri, Kontrata e punës me punëdhënësin ose marrëveshja mbi angazhimin për këtë projekt, Kopjen e certifikatës dhe vegzën përkatëse për verifikim online.</p>

SQL Server) Të jetë i certifikuar për të paktën një vegël të avancuar teknologjike, si .NET, HTML5 withJavaScript, ASP.NET MVC WebApplication nga Microsoft ose nga partnerët lokal të autorizuar nga Microsoft.	
Kërkesa Për Lot-in 1. d.2 (dy) zhvillues të Web shërbimve dhe Web API-ve - Baçelor i Inxhinierisë kompjuterike ose Baçelor i shkenca kompjuterike, me përvojë pune minimum 3 vjeçare pas perfundimit te studimeve, në zhvillimin e projekteve të natyrës së ngjashme të zhvilluara në platformën Microsoft (.NET me SQL Server).	Për Lot-in 1.Dëshmia Kopje e diplomës, CV e nënshkruar nga inxhinieri, Kontrata e punës me punëdhënësin ose marrëveshja mbi angazhimin për këtë projekt
Kërkesa Për Lot-in 1.e.2 (dy) zhvillues të databazave - Baçelor i Inxhinierisë kompjuterike ose Baçelor i shkenca kompjuterike, me përvojë pune minimum 3 vjeçare pas perfundimit te studimeve, në zhvillimin e bazave të të dhënave projekteve të natyrës së ngjashme të zhvilluara në platformën Microsoft (.NET me SQL Server).	Për Lot-in 1.e Dëshmia Kopje e diplomës, CV e nënshkruar nga inxhinieri, Kontrata e punës me punëdhënësin ose marrëveshja mbi angazhimin për këtë projekt
Kërkesa Për Lot-in 1.f. 4 (katër) Staf per trajnime on site support-Baçelor i Inxhinierisë kompjuterike ose Baçelor i shkenca kompjuterike, me përvojë pune minimum 3 vjeçare pas perfundimit te studimeve, në zhvillimin të projekteve të natyrës së ngjashme të zhvilluara në platformën Microsoft (.NET me SQL Server).	Për Lot-in 1.f Dëshmia Kopje e diplomës, CV e nënshkruar nga inxhinieri, Kontrata e punës me punëdhënësin ose marrëveshja mbi angazhimin për këtë projekt Dëshmia OE duhet te dorezj Metodologjine e propozuar dhe planin e punës
Kërkesa Për Lot-in 2.Operatori Ekonomik duhet të dëshmoj se ka realizuar se paku nje projekt në zhvillimin dhe implementimin ose mirëmbajtje të softuerit e të paktën 1 (një) projekti në shëndetësi tri vitet e fundit duke filluar nga data e publikimit te këtij Njoftimit për kontrate.	Lot-in 2.Dëshmia Një listë të kontratave të realizuara, ku duhet saktësuar titullin e kontratës, shumën e kontratës, datën e fillimit dhe datën e përfundimit, si dhe listës t’i bashkëngjiten referencat ose certifikatat për shërbimet e kryera (të përfunduara). a. Kur shërbimi është bërë për një autoritet publik në Kosovë ose në një vend tjetër, për dëshmi duhet te dorëzohet referencia të lëshuara nga autoriteti i tillë; b. Kur shërbimi është bërë për një blerës privat, kopja e çdo dokumenti të nënshkruar nga blerësi dhe evidentimi i realizimit të tillë.

<p>Kërkesa Për Lot-in 2.Operatori ekonomik duhet te ketë staf për kryerjen e shërbimeve si ne vijim a.1 (një) Menaxher te projektit - Inxhinier i diplomuar i Kompjuterikes ose telekomunikacion ose Master i shkencave ose inxhinierisë kompjuterike, me përvojë pune minimum 5 vjeçare pas diplomimit në menaxhimin e projekteve të natyrës së ngjashme (të zhvilluara në platformën Microsoft (.NET me SQL Server), i certifikuar me certifikate valide në PMP ose ekuivalente.</p>	<p>Lot-in 2.Dëshmia Kopje e diplomës, CV e nënshkruar nga inxhinieri, Deklaratë për caktimin e Menaxherit të projektit, Kontrata e punës me punëdhënësin ose marrëveshja mbi angazhimin për këtë projekt, Kopjen e certifikatës për menaxhim dhe vegzën përkatëse për verifikim online.</p>
<p>Kërkesa Për Lot-in 2.b.1 (një) Analist i projektit - Inxhinier i diplomuar i Kompjuterikes me telekomunikacion ose Master i shkencave ose inxhinierisë kompjuterike , me përvojë pune minimum 5 vjeçare pas diplomimit në cilësinë e analistit të sistemeve softuerike (të zhvilluara në platformën Microsoft (.NET me SQL Server)</p>	<p>Lot-in 2.b.Dëshmia Kopje e diplomës, CV e nënshkruar nga inxhinieri, Deklaratë për caktimin e Analistit të projektit, Kontrata e punës me punëdhënësin ose marrëveshja mbi angazhimin për këtë projekt</p>
<p>Kërkesa Për Lot-in 2.c. Tre (3) Zhvillues të Softuerit (Programer) – Baçelor i Inxhinierisë kompjuterike ose Baçelor i shkenca kompjuterike, me përvojë pune minimum 3 vjeçare pas diplomimit, në zhvillimin e softuerit (programim) të projekteve të natyrës së ngjashme të zhvilluara në platformën Microsoft (.NET me SQL Server)</p>	<p>Lot-in 2.c Dëshmia Kopje e diplomës, CV e nënshkruar nga inxhinieri, Kontrata e punës me punëdhënësin ose marrëveshja mbi angazhimin për këtë projekt, Kopjen e certifikatës dhe vegzën përkatëse për verifikim online. Dëshmia OE duhet te dorezj Metodologjine e propozuar dhe planin e punës</p>

RAPORTI I KOMISIONI VLERËSUES

--



Republika e Kosovës
Republika Kosova - Republic of Kosovo
Qeveria - Vlada - Government

Ministria e Shëndetësisë - Ministarstvo zdravstva - Ministry of Health
Divizioni i Prokurimit/Divizia Nabavke/Procurement Division

NJOFTIM MBI VENDIMIN E AUTORITETIT KONTRAKTUES

Sipas Nenit 43.7 dhe 44.2 të Rregullave dhe Udhëzuesit Operativ të Prokurimit Publik

Titulli i kontratës i dhënë nga AK: "Mirëmbajtja dhe avancimi i sistemeve Medlis dhe SMSN"

Numri i Prokurimit:	206-25-90-2-1-1
---------------------	-----------------

Nr.	Emri dhe adresa Operatorëve Ekonomik pjesëmarrës	LOT-et	Vlera totale e ofertave në Euro (€)
1	"DataProgNet" SH.P.K., Rr. Qamil Ilazi, Nr.16, 70000, Ferizaj	Loti 1	140,184.00
2	"DataProgNet" SH.P.K., Rr. Qamil Ilazi, Nr.16, 70000, Ferizaj	Loti 2	67,968.00
3	"Cacttus " Sh.a., Bashkim Fehmiu Arbëria 3 BC2/11 V1- L01-S, 10000, Prishtine	Loti 1	106,560.00
4	"Cacttus " Sh.a., Bashkim Fehmiu Arbëria 3 BC2/11 V1- L01-S, 10000, Prishtine	Loti 2	54,720.00

Rezultati i aktivitetit të prokurimit:

Ministria e Shëndetësisë **shpërblen** me kontratë operatorin ekonomik "DataProgNet" SH.P.K. për Lot 1 në vlerën e ofertës **140,184.00 €**.

Ministria e Shëndetësisë **anulon**¹ aktivitetin e prokurimit Lotin 2, për mungesë të ofertave të përgjegjshme.

Data 24.03.2025

Emri dhe mbiemri i ZPP: **Berat Marmullaku**

¹ Ketij formulari i bashkangjiten edhe letrat standarde të njoftimeve: B42, B45 dhe B46.(shtoni letra njoftuese sipas nevojës).

¹ Ky formular përdoret për anulimin e aktivitetit të prokurimit pas hapjes së ofertave.

B58 - NJOFTIM MBI VENDIMIN E AUTORITETIT KONTRAKTUES

INFORMACIONET SHITESË TË MARRA ME ANË TË SQARIME TË KËRKUARA NGA
EKSPERTI SHQYRTUES/TEKNIK

n/a

VLERËSIMI SIPAS NENIT 4.1.26 TË LPP

VENDIMET E MËPARSHME TË OSHP LIDHUR ME RASTET E NGJASHME

n/a

ARSYETIMI PËR DEVIJIM NGA PRAKTIKA E MËPARSHME

n/a

PËRGJIGJE NË PRETENDIMET ANKIMORE TË OE ANKUES - " Cacttus " Sh.a.

Sqarim shtesë: OE ankues ka parashtruar ankesë pranë OSHP-së si palë e pakënaqur me vendimin e AK-së në lidhje me këtë aktivitet të prokurimit. Pretendimet të cilat janë ngritur me ankesë janë shqyrtuar nga eksperti dhe i njëjti ka dhënë përgjigje si më poshtë.

Pretendimi 1

OE ankues pretendon që: *"Kemi plotësuar në tërësi kriteret që Autoriteti Kontraktues (AK) ka konsideruar si të pa plotësuar. Konkretisht, kemi ofruar analisten e projektit, znj. V.H., e cila përmbush plotësisht kërkesat e përcaktuara në dosjen e tenderit dhe njoftimin për kontratë. Ashtu siç kërkohet në dosjen e tenderit dhe njoftimin për kontratë, për Lot-in 1, pika b.1 (një), "Analist i projektit - Inxhinier i diplomuar i Kompjuterikës dhe Telekomunikacionit ose Master i Shkencave ose Inxhinierisë Kompjuterike, me përvojë pune minimum 5 vjeçare pas diplomimit në cilësinë e analistit të sistemeve softuerike (të zhvilluara në platformën 5/4 Microsoft .NET me SQL Server)," ne kemi ofruar një kandidaturë që plotëson të gjitha kërkesat për këtë pozitë. Dallimet që mund të kenë titujt akademikë mes institucioneve janë të natyrshme, por përmbajtja dhe fusha e studimeve është pothuajse e njëjtë, me disa dallime të papërfillshme që nuk ndikojnë në përmbushjen e kërkesave të tenderit."*

Eksperti shqyrtues sqaron që në dosjen e tenderit tek pjesa e kapacitetit teknik dhe profesional, pika b.1 është kërkuar që operatorët pjesëmarrës të kenë të angazhuar një analist të projektit-Inxhinier i diplomuar i kompjuterikës me telekomunikacion ose Master i shkencave ose inxhinierisë kompjuterike me përvojë pune 5 vjeçare. AK ka eliminuar OE ankues në lidhje me këtë kërkesë duke sqaruar se për kërkesën e lartpërmendur është ofruar diplomë bachelor e teknologjisë informative si dhe një diplomë master në menaxhimin e projekteve të cilat nuk i plotësojnë kriteret e dosjes.

Pas pretendimit të ngritur, eksperti ka analizuar ofertën e OE ankues sa i përket kësaj kërkesë të dosjes së tenderit dhe tutje sqaron që në ofertën e operatorit ankues (pika 13. Staf i propozuar) për pozitën- Analist i projektit janë dorëzuar dy diploma për znj. V.H., diploma e parë e studimeve themelore përmes të cilës është marrë titulli Bachelor në teknologji informative dhe sisteme dhe e dyta është diploma e studimeve Master në menaxhimin e projekteve. Sa i përket diplomës së studimeve themelore sqarojmë që kjo diplomë nuk është në përputhje me kërkesat e dosjes së tenderit për arsye se nuk mund të konsiderohet drejtim i njëjtë me inxhinierinë kompjuterike sa do të ngjashme që mund të duken në shikim të parë, këto dy drejtime kanë dallime me njëra tjetrën dhe se diploma e dorëzuar mund të konsiderohet e ngjashme me inxhinier të kompjuterikës por nuk mund të konsiderohet e njëjtë me një inxhinier të diplomuar të kompjuterikës ashtu siç ka qenë edhe kërkesa e dosjes. Në anën tjetër, e mirëqenë nuk mund të merret as diploma e studimeve master e cila ka të bëjë me një fushë krejtësisht tjetër nga ajo e kërkuar. Andaj, në këtë pikë vlerësojmë që pretendimi i ngritur është i pabazuar.

Pretendimi 2

"Arsyeja e dyte e eliminimit ka te beje me stafin e angazhuar. Ne si operator ekonomik kemi ofruar stafin ashtu siç është kërkuar për të dyja llotet, duke respektuar kërkesat e dokumentacionit të tenderit. Sidoqoftë, askund në dosjen e tenderit nuk është specifikuar në mënyrë të drejtpërdrejtë dhe taksative se nuk mund të ofrohet stafi i njëjtë për të dyja llotet. Përkundrazi, në dosjen e tenderit nuk ka ndonjë kërkesë të qartë që e ndalon angazhimin e të njëjtit staf për më shumë se një llot, dhe as një përcaktim të ndarë të kritereve për stafin që angazhohet në secilin llot."

Me pretendimin e ngritur eksperti shqyrtues ka analizuar kërkesat e dosjes së tenderit sa i përket kapacitetit teknik dhe profesional, përkatësisht kërkesat e parashtruara nga AK në lidhje me stafin i cili do të angazhohet dhe sqaron që në kërkesat e FDT-së në lidhje me stafin janë parashtruar kërkesa të veçanta për stafin i cili duhet të angazhohet në Lot 1 dhe Lot 2. Ku për Lot-1 janë kërkuar gjashtë punonjës ndërsa për Lot-2 katër të tjerë. Nëse e marrim parasysh Aneksi 1- Specifikimet teknike të detyrueshme, shohim se në këtë aneks janë përmbledhur Modulet e caktuara dhe objektivat e përgjithshme për të dyja llotet, aktivitete të cilat duhet të realizohen në të njëjtën kohë. Përderisa kërkesat për stafin e të dy Loteve kanë qenë të ndara dhe të veçanta, atëherë mendimi i ekspertit është që operatorët pjesëmarrës është dashur të ofrojnë dokumentet e nevojshme për secilin lot veç e veç sa i përket stafit profesional sipas kërkesave të dosjes. Në këtë pikë konsiderojmë që pretendimi i ngritur nga OE ankues është i pabazuar.

Andaj, nga sqarimet e dhëna më lartë sqarojmë që pretendimet se dispozitat e caktuara të ligjit- LPP janë shkelur nuk qëndrojnë.

REKOMANDIMI I EKSPERTIT SHQYRTUES

Duke u bazuar në sqarimet e lartpërmendura, eksperti shqyrtues i propozon panelit shqyrtues që ankesa e OE ankues refuzohet si e pabazuar dhe të mbetet në fuqi vendimi i AK.

Raporti i ekspertit shqyrtues, lidhur me ankesën e parashtruar nga OE “**" Cactus " Sh.a.**”, lidhur me aktivitetin e prokurimit “**Mirëmbajtja dhe avancimi i sistemeve Medlis dhe SMSN**” me numër të prokurimit: “**206-25-90-2-1-1**”, të iniciuar nga Autoriteti Kontraktues (AK) – **MINISTRIA E SHËNDETËSISË**

Raporti i ekspertit shqyrtues, lidhur me ankesën e parashtruar nga OE " " Cactus " Sh.a.", lidhur me aktivitetin e prokurimit "Mirëmbajtja dhe avancimi i sistemeve Medlis dhe SMSN" me numër të prokurimit: "206-25-90-2-1-1, të iniciuar nga Autoriteti Kontraktues (AK) – MINISTRIA E SHËNDETËSISË

Raporti i ekspertizës ti dorëzohet:

- Autoritetit Kontraktues – **MINISTRIA E SHËNDETËSISË**
- Panelit Shqyrtues – **OSHP**
- OE ankues – **" Cactus " Sh.a.**

Agnese Ibrahim

